

- B. Í Breiðafirði frá línu réttvísandi vestur frá Öndverðanesi að línu réttvísandi vestur frá Bjargtöngum, er veiðitímabilið frá 20. apríl til 20. júlí.
- C. Fyrir Vestfjörðum frá línu réttvísandi vestur frá Bjargtöngum að línu réttvísandi norður frá Horni, er veiðitímabilið 20. apríl til 20. júlí.
- D. Í Húnaflóa frá línu réttvísandi norður frá Horni að línu réttvísandi norður frá Skagatá, er veiðitímabilið frá 1. apríl til 1. júlí.
- E. Fyrir Norðurlandi frá línu réttvísandi norður frá Skagatá að línu réttvísandi austur frá Fonti á Langanesi, er veiðitímabilið frá 20. mars til 20. júní.
- F. Fyrir Austurlandi frá línu réttvísandi austur frá Fonti á Langanesi að línu réttvísandi austur frá Hvítungum, er veiðitímabilið frá 20. mars til 20. júní.

Veiðileyfishöfum er óheimilt að leggja grásleppunet fyrir upphaf veiðitímabils og jafnframt er þeim skylt að draga öll net úr sjó fyrir lok veiðitímabils.

Ráðuneytinu er heimilt í veiðileyfum báta frá ákveðnum byggðarlögum að víkja frá ofangreindum ákvæðum um veiðisvæði og veiðitíma, ef sérstakar ástæður þykja til vegna veiða þeirra undanfarin ár eða t.d. hafis hefur tálmað veiðar þeirra.

2. gr.

Reglugerð þessi er sett samkvæmt ákvæðum laga nr. 81, 31. maí 1976, um veiðar í fiskveiðilandhelgi Íslands til þess að öðlast þegar gildi og birtist til eftirbreytni öllum þeim, sem hlut eiga að máli.

Sjávarútvegsráðuneytið, 8. janúar 1990.

F. h. r.

Jón B. Jónasson.

Hjörtur Guðmundsson.

REGLUR

um tollfrelsi samkvæmt 9. og 10. tölulið 5. gr. tollalaga nr. 55/1987, með síðari breytingum.

1. gr.

Vörur, sem um ræðir í 9. og 10. tl. 5. gr. tollalaga nr. 55/1987, með síðari breytingum, og endursendar eru hingað frá útlöndum geta einungis notið tollfrelsis við innflutning að um sé að ræða neðangreindar vörur og fullnægt sé þeim skilyrðum sem hér með eru um þær settar:

1. Vörur framleiddar hérlandis sem seldar hafa verið til útlanda af skattskyldum aðilum samkvæmt 3. gr. laga nr. 50/1988, um virðisaukaskatt, sem selja og flytja út vörur í atvinnuskyni, enda hafi þeirra ekki verið vitjað hjá farmflytjanda erlendis, viðtakandi þar ekki fundist eða neitað verið viðtöku á vegna galla, skemmda, rýrnunar eða af öðrum jafngildum ástæðum að mati tollstjóra sem gerð hafi verið grein fyrir vörunum við útflutning.

Til sönnunar útflutningi varanna skal leggja fram afrit af útflutningsskýrslu er beri með sér að varan hafi fengið tollafgreiðslu um útflutning svo og önnur útflutningstollskjöl, s.s. afrit af vöruheikningi, farmbréfi, skírteinum og vottorðum sem krafist hefur verið við tollafgreiðslu.

Ákvæði þessa töluliðar skulu gilda um endursendar tómar umbúðir eftir því sem við getur átt.

2. Vörur sem aðrir aðilar en um ræðir í 1. tölulið fá endursendar frá útlöndum og ekki hafa verið endurgreidd aðflutningsgjöld af, þ.m.t. virðisaukaskattur. Hafi gjöld verið endurgreidd teljast þær ekki endursendar í skilningi reglna þessara og skulu teknar til tollmeðferðar með venjulegum hætti, sbr. 2. og 3. mgr. 10. gr. reglugerðar nr. 463/1984, um lækkun, niðurfellingu eða endurgreiðslu aðflutningsgjalda vegna endursendingar, skemmda, rýrnunar eða vöntunar á innfluttum vörum, með áorðnum breytingum.
3. Vörur sem sendar eru tímabundið til sýningar erlendis eða tæki, verkfæri og annað þess konar sem vísindamenn, björgunarleiðangrar og aðrir slíkir hafa meðferðis til útlanda til nota þar við athuganir sínar, rannsóknir og starfsemi, enda hafi þess verið getið í útflutningsskýrslu og beiðni um skoðun vörunnar við útflutning hver ætlaður endursendingartími þeirra sé.

Sama á við um ferðamenn og aðra sem fara til skamrar dvalar erlendis enda hafi þeir framvísað varningnum við brottför og gert grein fyrir honum á þar til gerðu eyðublaði.

4. Bifreiðar og bifhjól svo og önnur farartæki sem aðilar flytja með sér til útlanda til tímabundinna nota þar, enda hafi þeim verið framvísað við tollgæsluna til skoðunar við útflutning og jafnframt verið gerð grein fyrir þeim á þar til gerðu eyðublaði sem ríkistollstjóri lætur gera.

Tollfrjáls innflutningur samkvæmt reglum þessum er, auk þeirra skilyrða sem um ræðir í 1. mgr., bundin því skilyrði að tollafgreiðsla vegna endursendra vara fari fram innan árs talið frá útflutningsdegi þeirra, nema tollstjóri heimili lengri frest. Beiðni um tollfrjálsan innflutning vara samkvæmt reglum þessum jafngildir yfirlýsingu umsækjanda um að aðflutningsgjöld, þ.m.t. virðisaukaskattur, hafi ekki verið endurgreidd við útflutning þeirra. Sé þessa ekki gætt teljast vörurnar ekki endursendar í skilningi þessara reglna og skulu aðflutningsgjöld, þ.m.t. virðisaukaskattur, lögð á og innheimt við tollafgreiðslu.

2. gr.

Reglur þessar eru settar samkvæmt 2. mgr. 5. gr. tollalaga nr. 55/1987, með síðari breytingum, til að öðlast gildi þegar í stað.

Fjármálaráðuneytið, 3. janúar 1990,

Ólafur Ragnar Grímsson.

Guðrún Ásta Sigurðardóttir.

REGLUGERÐ

um breyting á reglugerð nr. 463/1984, um lækkun, niðurfellingu eða endurgreiðslu aðflutningsgjalda vegna endursendingar, skemmda, rýrnunar eða vöntunar á innfluttum vörum, sbr. reglugerð nr. 589/1987, um breyting á henni.

1. gr.

Við reglugerðina bætist ný grein er verði 10. gr. er orðist svo, jafnframt því sem núgildandi 10. gr. verði 11. gr.:

Tollstjóra er óheimilt að endurgreiða samkvæmt reglugerð þessari skattskyldum aðilum, sem um ræðir í 3. gr. laga nr. 50/1988, um virðisaukaskatt, þann virðisaukaskatt sem greiddur hefur verið af innfluttri vöru. Við uppgjör á virðisaukaskatti skal innskattur, af innfluttri vöru, dreginn frá útskatti samkvæmt lögum um virðisaukaskatt og reglugerðum og öðrum